

## Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi  
Ad Thermas Cardinalis Presbyteri Opera Quotquot  
hactenùs separatim edita fuerê Omnia**

**Bona, Giovanni**

**Antverpiae, 1677**

X. De totius corporis, sensuumque exteriorum moderatione. Quantum  
corpori indulgendum. Castiganda oculorum licentia. Vestium luxus  
damnatur.

**urn:nbn:de:hbz:466:1-10805**

ab ipso habes, esse, vivere, intelligere: nihil supererit tibi nisi peccatum. Nihil ergo cum sis, de nihilo gloriari non potes. Incipies esse aliquid, cum te nihil esse cognoscas.

## CAPUT X.

*De totius corporis, sensuumque exteriorum moderatione. Quantum corpori indulgendum. Castiganda oculorum licentia. Vestium luxus damatur.*

1. **H**AEC sanam & salubrem vitæ formam tenet, ut corpori tantum tribuas, quantum valetudini satis est. Durius tractandum; ne animo malè pareat. Indulgendum illi, non serviendum. Cibus famem fedet, potio sitim extinguat, vestis arceat frigus, domus munimentum sit aduersus injurias temporum: ad alia, quæ inutilis labor, veluti ad ornamentum adjecit, subsiste pavidus, & time; his enim insidie aduersus animam parantur. Omne honestum vile est ei, cui nimis carum est corpus, qui pro illo nimium timet. Major es, & ad majora genitus, quam ut sis vile mancipium corporis tui; quod equidem non aliter respicere debes, quam ut vinculum animi, & libertatis. Vir probus & sapiens ejus curam habet: non, tanquam propter ipsum vivat; sed quia sine illo non potest. Corpus instrumentum est animæ. Quis autem artifex, neglecta arte, in curandis instrumentis tempus terit? Hebetis ingenii est, circa corporis ministeria occupari.

2. Quia per sensum fenestræ mors in animam ingreditur; stude illos à terra vita ad cœlestem traducere: eosque sensim abducito à anima operis, quod exercent, attentione; ne se avidius rerum terrenarum delectionibus immergant. Servire sensus debent, non imperare. Oculorum in primis castiganda licentia: nam cum celerrime videant, rerumque plurimarum imagines ad phantasiam, & inde ad mentem transmittant; gravium peccatorum semina in appetitu excitant, nisi firmâ custodiâ muniantur. Si exterioris oculi rectitudinem interioris puritas comitetur, Dei vestigia ubique impressa reperiuntur: & cum Deum in creaturis venerari didiceris, ex his suaviter attolles animum ad divinæ Majestatis contemplationem. Mulier computa elaborata luxuria est: nunquam in ea figas obtutum; quia peribis. Comœdias, choreas, torneau-

menta, theatrales ludos ne spectes: dissipant enim mentem, & ludicris occupant curis; ut se ad cœlum erigere nequeat. Ubi errat oculus, errat affectus.

3. Auditus sensus est disciplinæ, per quem notio veritatis & sapientiae, quasi per januam, mentem ingreditur. Sepi itaque aures providâ circumspectione; ne pro veritate mendacium, pro sapientia stultitia in penetralia cordis irrumpan. Claude illas oblocutionibus; claude surris, claude nugis & rumoribus, claude otiosis narrationibus; omniq[ue] rei, quæ nihil ad animæ profectum confert. Sicut qui audivit symphoniam, fert secum in auribus modulationem illam, & dulcedinem cantus, etiam cum discessit: ita malus sermo, quamvis non statim officiat, semina tamen in animo relinquit, quæ diutius hærent, & ex intervallo recurrunt. Deum intus loquentem ed frequentius audies, quod rarius homines audieris. Omnia odoramenta arte confecta effeminatorum sunt, & malè audientium. Ideo, rejecto omni odore, fac ut bonus moribus suavissimam virtutum fragrantiam redoles. Gustum vero castigabis abstinentiâ, & sobrietate; Tactum ciliciis, verberibus, duriori strato, aliisque asperitatibus. Satius est corpus affigere, & servare; quam noxiis blanditiis & ipsu[m] & animam perdere in aeternum.

4. Cum ex habitu cultuque corporis internus animi status palam fiat; ea procul à te sint, quæ solent indicium esse animi pravi & perturbati. Qui olim sapientes inter Ethnicos dicebantur, nec digitum quidem sine ratione exercere viro probo permiserunt. Tantam à te rectitudinem non exigo, sed opto: idque edico, ut abstineas à risu, à scurrilitate, à dissoluti hominis licentia, à manuum gesticulatione, à præpropero incessu. Ut nihil in te appareat, quod possit offendere intuentes: non fordes vestium, non frontis rugæ, non motus incompositi, non signa contemptus, seu animi abalienati, non quicquid nauseam, vel fastidium parit. Multa possunt honestè fieri, quæ non possunt honestè videri.

5. Homo nudus creatus est & non erubescat; non enim poterat rubore eum afficere nuditas ignorata. Postquam vero peccavit, abjecta innocentiae chlamyde, quæ satis eum tegebat; externa vestis pudori velando necessaria fuit. Sed quod olim in pœnam irrogatum fuit, nunc in dignitatis prærogativam transiit. Quæruntur vestimenta; non quæ tegant, sed quæ ornent, quæ alienis oculis ac libidinibus placeant. Index ani-

mi

mi vestis est. Nimia ejus accuratio, totusque  
vultus de speculo & capsula, muliebris ingenii est.  
Pudebit cultus exterioris, si cogitaveris quid eo  
tegatur. Qui habet intus ornamenta virtutum,  
non querit externa. Ostentari virtus sine fuso  
gaudet: quicquid addideris, minus est illa. Va-  
nus hominum error est, fulgere purpurā, mente  
fordescere. Quidam se catenis onerant; sed quia  
aureæ sunt, intiam servitutis non metunt. Ali-  
quos non ligat aurum, sed figit: nam per vulne-  
ra infigitur auribus, è quibus sœpe patrimonia  
pendit; & quæ olim prænarum nomina, nunc  
ambitionis sunt. Non paucos videbis inter pec-  
tinem & speculum diu occupatos, qui magis  
soliciti de capitib; sui decore sunt, quam de salu-  
te. Ita prævaluerunt stultorum hominum de-  
pravata judicia, ut se rebus ornari putent, quas  
calcare deberont. Sit igitur vestis tua artis ex-  
pers; non ad pompad, sed ad necessitatem, intra  
fastum, supra fordes, & ad vitæ conditio-  
nem temperata. Auro te licet & margaritis  
exornes, sine Christi decore deformis es. Hic  
est decor, qui semper manet; qui non carnem  
mortuirauit, sed te ipsum intus exornat. Insana  
ambitio est, sumum tegere auro.

## C A P U T XI.

*De custodia linguae. Quanti momenti sit, &  
quam difficultis. Quid in sermone servan-  
dum; quid vitandum. Qualiter toleran-  
da vitijs & aliorum lingua.*

1. **T**anti momenti est custodire lingua, ut  
majori cura servanda sit, quam pupilla  
oculi; quia mors & vita in manibus lingue. Qui  
eam cohibere nequit, urbi patenti absque muro-  
rum ambitu comparatur. Vix tamen domari po-  
test sine speciali Dei auxilio. Domat homo  
leонem, domat taurum, domat ursum; & non  
domat linguam suam. Innata est enim naturæ  
humanæ loquacitas; ut quod cupit & concipit,  
statim proloqui getiat. Tum lingua vicina est  
cerebro, os phantasie; ut quod illa cogitat, mox  
derivet ad os, & in verbo effluat. Docuit te na-  
tura, quam sit necessaria lingua custodia, cum  
duplex ei munimentum objicerit, dentium & la-  
biorum. Sicur autem odor unguenti, pyxidis ore  
non obstructo, evanescit; ita patente oris ja-  
nua, omnis animi vigor dissipatur. Male sibi at-  
tendit, qui lingua jugiter non attendit.

2. In omni locutione cautus esto, illam com-  
primens immoderatam affectionem, quâ pleri-  
que impelluntur, ad sententiam vix conceptam  
temere effutiendam, sine examine & delectu.  
Fuge duplicitatem, & simulationem; sensusque  
animi, absque involucre & ambiguitate, puris-  
simè profer. Data est tibi à Deo loquendi facul-  
tas; ut ea res, sicuti sunt, verè & candidè enun-  
ties. Loquuturus, ipse te consule, an ulla in te  
exæstuet affectio immoderata; nec quicquam  
linguæ permittas, donec commissio cesseret: alio-  
quin plura effundes, que te postea dixisse pœnit-  
ebit. Facile filebis, si nulli perturbationum clâ-  
mores in corde persistant: si fuerit in anima so-  
litudo & serenitas. Non potest esse alius sermo-  
ni, aliis animo color. Si mens sana est, si tem-  
perans, si composita: sermo quoque siccus ac  
lobrius erit. Eâ viciatâ, hic quoque assilatur.  
Cuius notæ quisque sit, indicium oratio est.

3. Nullus sit sermo otiosus. Sicut eligis, quo  
vescaris; sic elige, quod loquaris. Cibum, per  
os ingressurum, examinas; cur non verbum  
egressurum, quod sœpe in domo tua graviores  
tragœdias excitat, quam cibus in tuo stomacho?  
Assuefec plurimum tecum, minimum cum aliis  
loqui. Viros sapientes sœpè pœnituit, locutos  
fuisse; nunquam vero, tacuisse. Animalia, quæ  
sapientiora censemur, parum quoque vocalia  
sunt. Garrulitas vitium puerorum, & mulierum  
est, quibus minus rationis inest. Nihil virtutis  
in eo est, è cuius ore non nisi vana & inutilia  
prodeunt. Si Deum amares, si tuæ salutis studi-  
osus fores, omnia colloquia tua de Deo essent, de  
virtute, & perfectione. Nescit amor mentiri;  
tegi non potest. Profunditur quisque in ea, quæ  
amat; & quæ latent in mente, frequenter ad  
linguam recurrunt. Ideò minùs libenter de re-  
bus divinis loqueris; quia nondum è fæce vi-  
tiorum emeristi. Accedit exigua lectio, & me-  
ditatio eorum, quæ pertinent ad salutem; ut  
etiam loqui volentem materia deficiat. Ex abun-  
dantia cordis, os loquitur.

4. Omnis ferè sermocinatio in congressa ho-  
minum, de aliorum vita, moribus, & studiis est.  
Tot quisque judices habet, quot sunt capita in  
civitate. Vix nullus est, qui oculos domi habeat.  
Cæcumus plerique in propriis vitiis discernen-  
dis, erga aliena acutissimi. Convitia in proxim-  
um plenis valvis admittimus; laudibus vix ri-  
mæ patent. Hoc vitium quò communius est, eò  
studiosius vitandum. Satis tibi negotii cum vi-  
tiis tuis: ea carpe & emenda. Arcana tua, sive  
aliorum,

C

aliorum,